



অবিলম্বে প্রকাশের উদ্দেশ্যে: 2/7/2020

গভর্নর অ্যান্ড্রু এম. কুওমো

গভর্নর কুওমো নভেল করোণাইরাস নিয়ে নিউ ইয়র্কবাসীদের আপডেট করেছেন এবং সচেতনতা বজায় রাখার জন্য অনুরোধ করেছেন ফ্লুয়ের প্রভাব যখন অব্যাহত আছে

*নিউ ইয়র্ক রাজ্যে এখন অবধি কোনো নিশ্চিত করোণাইরাসের দৃষ্টান্ত পাওয়া যায়নি*

*ল্যাবরেটরি থেকে নিশ্চিত করা ফ্লুয়ের ঘটনা এবং হাসপাতালে ভর্তি করার সংখ্যা সাম্প্রতিক রিপোর্টে বেড়েই চলেছে*

*আপনার কাছাকাছি যেখানে আপনি ফ্লুয়ের শট নিতে পারবেন তা বার করুন [এখানে](#), এবং আপনার এলাকায় ফ্লুয়ের কেস ট্র্যাক করুন [এখানে](#)*

*গভর্নর কুওমো: "আমরা এর আগেও এরকম পরিস্থিতি পেরিয়েছি: জিকা ভাইরাস, ইবোলা, ইত্যাদি। তবে আসুন পরিস্থিতির বাস্তবতার সাথে কিছুটা সংযোগ স্থাপন করা যাক, এবং যেমনটি ডাক্তার বলেছিলেন, এখন ফ্লুতে আক্রান্ত হওয়া করোণাইরাসের সাথে সম্পর্কিত যেকোনো বিষয়ের চেয়ে অধিক ঝুঁকিপূর্ণ।"*

গভর্নর অ্যান্ড্রু এম. কুওমো আজ নিউইয়র্ক স্টেটে নভেল করোণাইরাস-এর পরীক্ষার পরিস্থিতি সম্পর্কে আপডেট ঘোষণা করেছেন। আজ পর্যন্ত নিউ ইয়র্কবাসীদের 22টি নমুনা পাঠানো হয়েছে সেন্টার ফর ডিজিজ কন্ট্রোল অ্যান্ড প্রিভেনশনে (Centers for Disease Control and Prevention, CDC) পরীক্ষার জন্য। এর মধ্যে, 16টি নেতিবাচক হিসেবে ফিরে এসেছে। নিউ ইয়র্ক সিটির দুইটি নমুনা এবং নিউ ইয়র্ক সিটির বাইরে নিউ ইয়র্ক রাজ্যের চারটি নমুনা অসীমাংসিত, মোট অনিশ্চিত নমুনা ছয়টি। নিউ ইয়র্ক রাজ্যে এখনো কোনও নিশ্চিত নভেল করোণাইরাসের ঘটনা নেই।

গভর্নর ফ্লুর ঘটনার সংখ্যা সম্পর্কে হালনাগাদকৃত তথ্যও জারি করেছিলেন, যা ক্রমান্বয়ে বাড়ছে, এবং সকল নিউ ইয়র্কবাসীকে সুপারিশকৃত সতর্কতা মেনে চলতে বলেছেন যেহেতু আমরা ফ্লু মৌসুমের শিখরের দিকে অগ্রসর হচ্ছি।

আজকের অনুষ্ঠানের **ভিডিও** YouTube-এ [এখানে](#) এবং টিভির ফরমেটে (h.264, mp4) [এখানে](#) পাওয়া যাবে।

আজকের অনুষ্ঠানের **অডিও** পাওয়া যাবে, [এখানে](#)

**ছবিগুলো** আজকের কর্মসূচির পাওয়া যাবে গভর্নরের ফ্লিকার (Flickr) [পেইজে](#)।

*গভর্নরের মন্তব্যের একটি দ্রুত প্রতিলিপি নিম্নোক্ত:*

**গভর্নর কুওমো:** করোনাভাইরাস সম্পর্কে সাম্প্রতিকতম তথ্য সংযোজন করার জন্য আমি এটি আমাদের বিশিষ্ট স্বাস্থ্য কমিশনারের (Health Commissioner) কাছে হস্তান্তর করছি।

**ডা. হাওয়ার্ড জুকার:** ধন্যবাদ গভর্নর এবং শুভ অপরাহ্ন। যেমনটি আমরা গত কয়েক সপ্তাহ ধরে বলেছি, নিউ ইয়র্ক রাজ্যে জনসাধারণের জন্য ঝুঁকি বর্তমানে খুব কম। এই বিভাগ CDC, হেলথ এ্যান্ড হিউম্যান সার্ভিসেস (Health and Human Services, HHS) এবং নিউ ইয়র্ক সিটি স্বাস্থ্য অধিদপ্তরের (Department of Health) অফিস, বন্দর কর্তৃপক্ষ (Port Authority) এবং স্থানীয় স্বাস্থ্য বিভাগ এবং স্বাস্থ্যসেবা সরবরাহকারীদেরসহ রাজ্যব্যাপী প্রতিদিন বেশ কয়েকবার যোগাযোগ করে থাকে। এবং একসাথে, আমরা চীনের পাশাপাশি এখানে মার্কিন যুক্তরাষ্ট্রের বৃদ্ধি নিবিড়ভাবে পর্যবেক্ষণ করছি।

এখানে জাতীয়ভাবে 12টি ঘটনা রয়েছে এবং নিউ ইয়র্কে ফিরে আসা যাত্রীদের মধ্যে সংস্পর্শের নতুন কোনও সম্ভাবনা সনাক্ত করার জন্য আমাদের দৃষ্টি অবিরতভাবে চলছে। এখন ভ্রমণের বিষয়ে, নিউ জার্সির বেয়নে, নোঙর করা একটি প্রমোদতরীর বিষয়ে বেশ কয়েকটি প্রতিবেদন প্রকাশিত হয়েছে। আমরা আপনাদের যা বলতে পারি তা হল আমরা বুঝতে পেরেছি যে চারজন ব্যক্তিকে পর্যবেক্ষণের জন্য নেয়ার্ক বিশ্ববিদ্যালয় হাসপাতালে (University Hospital in Newark) নেওয়া হয়েছে। তবে কোনও ব্যক্তির ক্ষেত্রেই নভেল করোনাভাইরাসের সাথে সামঞ্জস্যপূর্ণ উপসর্গগুলি আশা করা হচ্ছে না।

আমরা এই নভেল করোনাভাইরাসকে বিভাগের সংক্রামক রোগের তালিকায় যুক্ত করেছি, যার জন্য স্বাস্থ্যসেবা সরবরাহকারীদের তদন্তাধীন ব্যক্তিদের তাদের স্থানীয় স্বাস্থ্য বিভাগগুলিতে এবং শেষ পর্যন্ত রাজ্যের স্বাস্থ্য অধিদপ্তরে প্রতিবেদন করার প্রয়োজন হবে।

ইতিমধ্যে ঘটনাগুলোর প্রতিবেদন এবং তদন্ত করা হচ্ছে এবং এই তালিকায় নভেল করোনাভাইরাস যুক্ত করার মাধ্যমে রোগের বিস্তার নিয়ন্ত্রণে স্থানীয় স্বাস্থ্য কর্মকর্তাদের সাথে সমন্বয় সাধনের মাধ্যমে আমাদের দক্ষতার উন্নতি ঘটবে।

অতিরিক্ত হিসাবে, ওয়েডসওর্থ সেন্টার (Wadsworth Center), যা আমাদের নিউ ইয়র্ক রাজ্যের জনস্বাস্থ্য ল্যাব, নভেল করোনাভাইরাসের পরীক্ষা করার দক্ষতা লাভে CDC-র সাথে নিবিড়ভাবে কাজ করছে এবং আমরা সেই পরীক্ষাটি বাস্তবায়নের জন্য দ্রুত কাজ করছি। সারমর্ম হল, আমরা এই প্রতিক্রিয়ার জন্য খুব ভালভাবে প্রস্তুত এবং নিউ ইয়র্ক রাজ্য এবং স্থানীয় জনস্বাস্থ্য কর্মকর্তারা সংক্রমণ নিয়ন্ত্রণের অনুশীলনের সাথে খুব অভিজ্ঞ। যদিও নভেল করোনাভাইরাস নিউ ইয়র্কবাসীদের

জন্য ভাণ্ডারিক হুমকিস্বরূপ নয়, দয়া করে ভুলে যাবেন না যে নিউ ইয়র্ক রাজ্যে এখনও ফ্লু প্রাদুর্ভূত রয়েছে এবং তা এখনও সর্বোচ্চ মাত্রায় পৌঁছায়নি। শুধুমাত্র গত সপ্তাহের সর্বশেষ নজরদারির প্রতিবেদন অনুসারে, 1889 জন নিউ ইয়র্কবাসী গবেষণাগার কর্তৃক নিশ্চিত করা ইনফ্লুয়েঞ্জা নিয়ে হাসপাতালে ভর্তি হয়েছিলেন। ঐ একই সপ্তাহে, 17,321টি পরীক্ষাগারকর্তৃক নিশ্চিত করা ফ্লুর খবর পাওয়া গেছে। এটি আগের সপ্তাহের থেকে 15 শতাংশ বৃদ্ধি এবং এ পর্যন্ত দৃশ্যমান একক সপ্তাহের মধ্যে সবচেয়ে বেশি আক্রান্তের ঘটনা এটি। প্রায় অক্টোবর থেকে এই মৌসুমে 13,463 জনকে হাসপাতালে ভর্তি করা হয়েছে।

সুতরাং প্রতিদিন প্রতিরোধমূলক ক্রিয়াগুলি ফ্লু এবং সেইসাথে নভেল করোনাভাইরাসের ছড়িয়ে দেওয়া বন্ধ করতে সহায়তা করতে পারে। আপনার হাত প্রায়শই ধুয়ে নিন, হাঁচি দেয়ার সময় আপনার মুখ বা নাক ঢেকে রাখুন। জামার আঙ্গিনে হাঁচি দিন। আপনি অসুস্থ হলে বাড়িতেই থাকুন। এটি আসলেই গুরুত্বপূর্ণ। আপনি যদি সুস্থ বোধ না করেন, তবে সবচেয়ে ভাল কাজটি হল বাড়িতে থাকা। আপনি যদি চান, আপনার ডাক্তারকে কল করুন, আপনার স্বাস্থ্য পেশাদারকে কল করুন, তবে সত্যিকারের জরুরি অবস্থা না হলে জরুরি বিভাগে যাবেন না। এবং পরিশেষে আমি একটি ঘটনা সম্পর্কে আলোকপাত করতে চাই যা আমার মতে খুবই বিব্রতকর। নভেল করোনাভাইরাস সম্পর্কে উদ্বেগগুলি এশিয়ান-বিরোধী বর্ণবাদ বা জাতিগত বৈষম্যের অজুহাত হিসেবে ব্যবহার না করে, জনস্বাস্থ্য এবং সুরক্ষার দিকে মনোনিবেশ করা উচিত। আমি যেমনটি উল্লেখ করেছি যে নভেল করোনাভাইরাসের ঝুঁকি এখনও কম রয়েছে, নিউ ইয়র্কবাসীদের উচিত সচেতন থাকা এবং নিজেকে এবং তাদের পরিবারকে রক্ষা করা। আমাদের অন্যকে আক্রমণ করার বদলে একসাথে থাকা উচিত। আমরা একসাথে পার করে আসা অনেক বিষয়ের মতই এই বিষয়টিও মোকাবেলা করব। অসংখ্য ধন্যবাদ।

**গভর্নর কুওমো:** ভালো বলেছেন, কমিশনার। এবং কমিশনার যেমন মাত্রই বললেন, গতকাল নিউ ইয়র্ক পোতাশ্রয়ে আসা প্রমোদ তরীর ব্যাপারে HHS রাষ্ট্রীয় বিভাগ এবং CDC আমাদের সাথে যোগাযোগ করেছিলো। এই প্রমোদ তরীতে করোনাভাইরাসের কোনও নিশ্চিত ঘটনা নেই। চারজনকে পরীক্ষা করা হয়েছে, তবে কোনও নিশ্চিত ঘটনা পাওয়া যায়নি এবং আমরা তাদের এই ব্যাপারে সাথে কাজ করছি। এবং শুধু কমিশনারকে পুনরুক্তি করতে, নিউ ইয়র্কে এখনও পর্যন্ত করোনা ভাইরাস সম্পর্কিত কোনও নিশ্চিত ঘটনা নেই।

আমরা আশা করব যে সময়ের সাথে সাথে আমরা করোনা ভাইরাসের একটি ঘটনা খুঁজে পাব যদি বিশ্বজুড়ে এর বিস্তার লক্ষ্য করা হলে, তবে আমরা এটি প্রত্যাশা করব এবং আমরা এটির জন্য প্রস্তুত রয়েছি। মুসাবিদাগুলো জায়গামত এবং ব্যক্তিকে পৃথকরণ পদ্ধতি, ইত্যাদি স্থাপনের জন্য আমরা অনেক সময় নিয়েছি। তবে আবারও, ভয়টি আমি বুঝি। এর আগেও আমরা এরকম অবস্থার ভিতর দিয়ে গিয়েছি: জিকা ভাইরাস, ইবোলা, ইত্যাদি। তবে আসুন পরিস্থিতির বাস্তবতার সাথে কিছুটা সংযোগ স্থাপন করা যাক, এবং যেমনটি ডাক্তার বলেছিলেন, এখন ফ্লুতে আক্রান্ত হওয়া করোনাভাইরাসের সাথে সম্পর্কিত যেকোনো বিষয়ের চেয়ে অধিক ঝুঁকিপূর্ণ। আমি এটি রিক কটনের কাছে হস্তান্তর করছি, যিনি বন্দর কর্তৃপক্ষের নির্বাহী পরিচালক, তিনি করোনাভাইরাস এবং এটি কিভাবে বিমানযাত্রার উপর প্রভাব ফেলছে, ইত্যাদি সম্পর্কে বলতে পারবেন।

**বিক কটন:** গভর্নরকে ধন্যবাদ, বন্দর কর্তৃপক্ষে আমরা মার্কিন যুক্তরাষ্ট্রের বিদেশ ভ্রমণকারীদের বাধ্যতামূলক স্ক্রিনিং নির্বিঘ্নে এবং কোনও ঘটনা ছাড়াই পরিচালনা করা হচ্ছে তা নিশ্চিত করার জন্য নিউ ইয়র্ক রাজ্য স্বাস্থ্য বিভাগসহ আমাদের রাষ্ট্র, রাজ্য এবং স্থানীয় অংশীদারদের সাথে আমাদের সমস্ত বিমানবন্দরগুলিতে ঘনিষ্ঠভাবে কাজ চালিয়ে যাচ্ছি। রবিবার দুপুরে এই আদেশ কার্যকর হওয়ার পরে, জন এফ কেনেডি (JFK) বিমানবন্দরে CDC 6,664 জন ভ্রমণকারীর পরীক্ষা করেছে, এর মধ্যে 3,100 জন ভ্রমণকারী চীনের মূল ভূখণ্ড থেকে 14 টি বিমানে ছেদহীনভাবে এসেছিলেন। এই পরীক্ষায় বাকি প্রায় 3,500 জন অন্যান্য বিমানে এসেছিলেন এবং চীনের মূল ভূখণ্ডে সাম্প্রতিক ভ্রমণের কারণে CDC-র পরীক্ষার জন্য চিহ্নিত করা হয়েছিলো। 6,664 জন ভ্রমণকারীদের মধ্যে যাদের পরীক্ষা করা হয়েছে তাদের মধ্যে পাঁচজনকে পৃথকীকরণের জন্য সুপারিশ করা হয়েছে। বন্দর কর্তৃপক্ষ জনসাধারণের স্বাস্থ্য সুরক্ষায় কাজ করার সাথে সাথে তার সহযোগীদের সহায়তা করার জন্যও প্রস্তুত। অসংখ্য ধন্যবাদ।

###

অতিরিক্ত তথ্য পেতে দেখুন [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্ক্রাইব করুন](#)